



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐԻ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ
Վ. ԶԻԼԱՎՅԱՆ

« 05 » 06 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000041

Ձեռնարկողը՝

«ԱՏԼԱՆՏ ԳՐՈՒՊ» ՍՊԸ

Ք. Երևան, Ա. Մանուկյան 10/12

Գործունեությունը՝ Կենտրոն վարչական շրջանի Ռոստոմի 26, 26/1, 26.2, 26/3, 26/4, 32/1, 32/3, 32/4, 32/6, 32/7 և Նար-Դոսի 53/2 հասցեներում բազմաֆունկցիոնալ համալիրի կառուցման շրջակա միջավայրի վրա ազդեցության նախնական գնահատման հայտ

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պաշտոնակատար՝



Ա. Դոնոյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 000041

< 05 > 06 2020թ.

Կենտրոն վարչական շրջանի Ռոստոմի փող. 26, 26/1, 26.2, 26/3, 26/4, 32/1, 32/3, 32/4, 32/6, 32/7 և Նար-Դոսի փող. 53/2 հասցեներում բազմաֆունկցիոնալ համալիրի կառուցման շրջակա միջավայրի վրա ազդեցության նախնական գնահատման հայտ

Ներածական մաս

Ձեռնարկող՝

«ԱՏԼԱՆՏ ԳՐՈՒԴ» ՍՊԸ

Փաստաթղթի տեսակը՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Տեղադրման վայրը՝

ք. Երևան, Կենտրոն վարչական շրջան

Երևան քաղաքի Կենտրոն վարչական շրջանի Ռոստոմի փող. 26, 26/1, 26.2, 26/3, 26/4, 32/1, 32/3, 32/4, 32/6, 32/7 և Նար-Դոսի փող. 53/2 հասցեներում «ԱՏԼԱՆՏ ԳՐՈՒԴ» ՍՊ ընկերության կողմից /այսուհետ՝ Ընկերություն/ նախատեսվում է կառուցել բազմաֆունկցիոնալ համալիր: Գործունեության համար նախատեսվող տարածքը գտնվում է Նար-Դոսի և Ռոստոմի փողոցների խաչմերուկում, անմիջապես փողոցներին հարող հատվածում՝ բնակելի և հասարակական շենքերի հարևանությամբ: Համաձայն Երևանի քաղաքապետարանի կողմից տրամադրված քանդման թույլտվությունների՝ իրականացվել են տարածքում առկա շենք-շինությունների քանդման աշխատանքներ, տարածքը մաքրվել է շինարարական աղբից:

Նկարագրական մաս. բազմաֆունկցիոնալ համալիրի նախագծման համար Երևանի քաղաքապետարանի կողմից տրվել է N 01/18-07/2-0-104357-1249 առ. 06.12.2019թ. նախագծման թույլտվությունը (ճարտարապետա-հատակագծային առաջադրանք): Համաձայն նախագծի՝ բազմաֆունկցիոնալ համալիրը ձևավորվելու է 0.360635հա հողամասի սահմաններում, որը սեփականության իրավունքով պատկանում է Ընկերությանը: Կառուցապատվող հողամասի նպատակային նշանակությունը բնակավայրերի է, իսկ գործառնական նշանակությունը՝ բնակելի և խառը կառուցապատման: Հատկացվող հողամասում կառուցապատման համար նախատեսված տարածքի մակերեսը կազմում է 2786.2 մ², իսկ կանաչապատմանը՝ հողամասի մոտ 40%-ը:

Տարածքն ունի փողոցի անկմանը զուգահեռ թեքություն, որի վերին և ստորին ուղղաձիգ նիշերի տարբերությունը կազմում է մոտ 6 մետր: Ստորգետնյա գոտեմասի ջրերը տեղամասում բացակայում են: Շրջանի և տեղամասի սեյսմիկ ֆոնային արժեքը 9 բալլ է (0.4g): Նախագծված համալիրը կազմված է «Ա», «Բ» և «Գ» մասնաշենքերից, որոնցից «Ա»- «Բ» մասնաշենքերն ունեն 4 ստորգետնյա և 15 վերգետնյա հարկեր, իսկ «Գ» մասնաշենքն ունի միայն 4 ստորգետնյա հարկ, որոնք ծառայում են որպես ավտոկանգառ և միջնամասակ, ստորգետնյա հարկերի մակարդակում, և կապում են 2 բարձրահարկ մասնաշենքերը:



Առաջին հարկի հատակի հարդարման՝ ± 0.000 նիշը համապատասխանում է $+983.860$ բացարձակ նիշին:

«Ա», «Բ» մասնաշենքերի ստորին վերգետնյա հարկերը ծառայելու են հասարակական օգտագործման նպատակով, իսկ 3-15 հարկերը նախատեսված են որպես բնակելի: Յուրաքանչյուր հարկում նախատեսված է 12-19 բնակարան, ընդհանուր՝ 232 քանակով: Բազմաֆունկցիոնալ համալիրում ընդհանուր ավտոկայանատեղիների քանակը կազմում է 150 հատ: Նար-Դոս փողոցի ստորգետնյա հարկերից մեքենաների ելքն ապահովելու համար նախատեսվում է կառուցել 1 թեքուղի: Արտաքին պատերը նախատեսվում է իրականացնել մեկ շարք՝ 200 մմ հաստությամբ ամրանավորված պեմզաբլոկներով, արտաքին կողմից՝ 100մմ հաստությամբ հանքաքամքակ ջերմամեկուսիչ սալերով, իսկ երեսապատորմն իրականացվելու է 40 մմ հաստությամբ տրավերտինե սալերով:

Կառույցի տեխնիկատնտեսական ցուցանիշներն են.

- հողամասի մակերես՝ 3606.35 մ^2 ,
- կանաչապատման մակերես՝ 1432 մ^2 /ներառյալ տանիքի կանաչապատումը/,
- կառուցապատման մակերես՝ «Ա» և «Բ» մասնաշենքերի համար՝ 2006.0 քմ , իսկ ստորգետնյա «Գ» մասնաշենքի համար՝ 780.2 քմ ,
- ավտոկայանատեղիների քանակ՝ 150 հատ:

Բազմաֆունկցիոնալ համալիրի ջրամատակարարումն ու ջրահեռացումը իրականացվելու է համաձայն «Վեոլիա Ջուր» ՓԲ ընկերության կողմից տրամադրված տեխնիկական պայմանի: Ջրամատակարարումն իրականացվելու է քաղաքային ջրատարից՝ կառուցելով պոմպային կայան՝ ե/բ պահուստային բաքով: Տաք ջրամատակարարումն իրականացվելու է բնակարաններում նախատեսված կաթսաներից: Համալիրի գազամատակարարման համար կառուցապատողը դիմել է «Գազպրոմ Արմենիա» ՓԲ ընկերությանը՝ համապատասխան տեխնիկական պայման ստանալու համար:

Կենցաղային կեղտաջրերը հեռանում են բակային ցանց, իսկ այնտեղից՝ կոյուղու քաղաքային կոլեկտոր: Ավտոկայանատեղերի լվացման, հալոցքի և հրդեհամարումից հավաքված ջրերի հեռացման համար նախատեսված են հոսակներ և ջրհավաք առվակներ, որտեղից ջրերը կհեռանան կուտակիչ հոր, այնուհետև պոմպերով կմղվեն քաղաքային կոլեկտոր:

Համալիրի էլեկտրամատակարարման համար կառուցվելու է ենթակայան, որի սնուցումը կիրականացվի «Նար Դոս» 35/6 ենթակայանից:

Շինարարական փուլի ընդհանուր տևողությունը հաշվարկվել է 34 ամիս: Որպես շինհրապարակ դիտարկվելու է ամբողջ հողատարածքը: Ե/բ հիմքերի տեղադրման հողային աշխատանքների ժամանակ հողային զանգվածի հանույթի ծավալը ընդհանուր կկազմի 30000 մ^3 , որից հետլիցքի ծավալը՝ 5000 մ^3 : Մնացորդային ծավալները սահմանված կարգով կտեղադրվեն համապատասխան աղբավայրում՝ Երևանի քաղաքապետարանի հետ համաձայնեցված: Շինարարության ժամանակ ջուրն օգտագործվելու է տարածքների ջրցանման, հողի/գրունտի խոնավեցման և շինանձնակազմի խմելու-կենցաղային կարիքների համար: Տեխնիկական ջրօգտագործումը ընդհանուր կկազմի $4.6 \text{ մ}^3/\text{օր}$, իսկ խմելու համար ջրածախսը՝ $3.91 \text{ մ}^3/\text{օր}$: Շինարարության փուլի ջրամատակարարումն իրականացվելու է գոյություն ունեցող ջրատարից, որը միացված է համայնքային ջրամատակարարման ցանցին: Կոյուղին կմիացվի համայնքային կոյուղատարին:

Շինարարական տեխնիկայի համար համապատասխան վառելիքի լիցենզիայում և յուղումը նախատեսված է իրականացնել շինհրապարակից դուրս տեղադրված կամ մասնագիտացված սպասարկման կետերում:

Երևանի քաղաքապետարանի կողմից տրամադրված N01/18 Ա-16762-2-20.01.2020թ. շինարարական թույլտվության համաձայն, տարածքում իրականացվելու է հողային աշխատանքներ, որի ժամանակ 750քմ մակերեսում առաջացած 150մ³ ծավալով բուսահողը



շինարարի կողմից պահեստավորվել է պաշտպանիչ միջոցառումներով՝ հետագայում կանաչապատման աշխատանքներում օգտագործելու նպատակով:

Նոր կառուցվող բնակելի համալիրի շինարարության ընթացքում շրջակա միջավայրի վրա ազդեցությունները և ռիսկերը հիմնականում պայմանավորված կլինեն շինարարական աշխատանքների ընթացքում անօրգանական փոշու և ծխազագերի ժամանակավոր արտանետումներով, որոնք կարող են առաջանալ հողային աշխատանքներից և տեխնիկական միջոցների աշխատանքից՝ դիզվառելիքի այրման արդյունքում: Շինարարական աշխատանքների ընթացքում հնարավոր ազդեցությունները կանխարգելելու նպատակով հայտում ներկայացվել է բնապահպանական միջոցառումների ծրագիր: Մթնոլորտային օդի պահպանության նպատակով նախատեսված է՝

- պարբերաբար իրականացնել ջրցան /օրական՝ 2-3 անգամ/, ստուգել շինարարական տեխնիկայի և փոխադրամիջոցների տեխնիկական վիճակը՝ իրականացնելով կարգավորում,
- շինարարական նյութերի (ավազ, խիճ, հողային զանգված և այլն) տեղափոխումն իրականացնել փակ ծածկով մեքենաներով,
- ցանցերի օգտագործում, որով կկանխարգելվի փոշու տարածումը,
- շինհրապարակում սորուն նյութերի պահեստները ծածկել համապատասխան բարձրությամբ թաղանթով՝ փոշու տարածումը կանխարգելելու նպատակով:

Շրջակա տարածքների պահպանության և վառելիքի կամ քսայուղերի հնարավոր արտահոսքերը կանխարգելելու նպատակով շինարարական նյութերի և քսայուղերի ժամանակավոր պահեստները նախատեսված են տեղադրել բետոնապատ մակերեսի վրա: Այն տարածքներում, որտեղ կայանելու են շինարարական տեխնիկան և տեխնիկական միջոցները, նախատեսված է պատել ավազով, կամ մանրախճով, անհրաժեշտության դեպքում փոված ավազը կամ մանրախճը փոխարինել նորով:

Շինարարության ընթացքում հոսքաջրերի և անձրևաջրերի հեռացման համար շինհրապարակին կից նախատեսված է պարզարան, որտեղ հոսքաջրերը կենթարկվեն մեխանիկական նստեցման, որից հետո պարզեցված ջուրը կրկին կօգտագործվի տարածքի ջրցանման համար, իսկ առաջացած նստվածքը կհեռացվի որպես շինադր:

Շինարարական աշխատանքների ընթացքում առաջացող հիմնական թափոնատեսակները կլինեն կենցաղային աղբը, շինարարական աղբը, ավելցուկային հողային զանգվածը, որոնք սահմանված կարգով կտեղադրվեն Երևանի քաղաքապետարանի կողմից հատկացված աղբավայրեր:

Շինարարության ընթացքում հարակից տարածքների համար աղմուկի հնարավոր ազդեցությունը նվազեցնելու նպատակով նախատեսված է շինարարական աշխատանքների և տրանսպորտային երթևեկության կազմակերպում ցերեկային ժամերին, աղմուկ առաջացնող մեքենաների և սարքավորումների օգտագործումից խուսափում, խլացուցիչների տեղադրում, տեխնիկական միջոցների պարբերաբար ստուգում և կարգաբերման իրականացում:

Որպես սոցիալական հնարավոր ազդեցությունների մեղմման միջոցառումներ՝ նախատեսված է նաև շինհրապարակի հարևանությամբ ցուցանակների տեղադրում, ժամանակավոր անցուղիների նախատեսում, երթևեկության կանոնակարգում, հարակից տարածքների բնակչության իրազեկում՝ շինարարական աշխատանքների մասին և այլն:

Նախագծով նախատեսված շինարարական աշխատանքների ընթացքից հետո կառուցապատումից ազատ տարածքը պետք է բարեկարգվի և կանաչապատվի: Կանաչապատման համար կօգտագործվի հողային աշխատանքների ժամանակ պահեստավորված բուսահողը, իսկ պահանջվող բուսահողի ծավալը ծեփավորվի: << օրենսդրությամբ սահմանված կարգով:

Կանաչապատումն իրականացվելու է տարածքի համար մշակված բարեկարգման, արդիականացման և կանաչապատման նախագծի համաձայն, որը համաձայնեցվել է Երևանի քաղաքապետարանի հետ: Կանաչապատումը ներառում է սիզամարգի ստեղծում,



ծառատունկ, ծաղկանոց և այլն: Կանաչապատ տարածքների ոռոգումը նախատեսված է իրականացնել ոռոգման ցանցի միջոցով, որին միացումը կիրականացվի հարևանությամբ անցնող ոռոգման ցանցից՝ պայմանագրի համաձայն: Ծառատեսակների ոռոգումը նախատեսված է կաթիլային ոռոգման համակարգով:

Բնակելի համալիրի շինարարական աշխատանքների իրականացման ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելման/մեղմացմանն ուղղված մշտադիտարկումներ /մթնոլորտային օդի և հողի աղտոտվածություն, աղմուկ, թրթռում/: Հայտում ներկայացվել է մշտադիտարկումների իրականացման ժամանակացույցերի և ծախսերի վերաբերյալ տեղեկատվություն /ողջ շինարարության ընթացքում ծախսերը կկազմեն 1050 հազ. դրամ/:

Պարծառաբանական մաս. նախնական գնահատման և փորձաքննության փուլերում, ՀՀ օրենսդրությամբ սահմանված կարգով, Երևան քաղաքում անցկացված հանրային քննարկումներում գործունեության իրականացումը մասնակիցների կողմից արժանացավ հավանության: Փորձաքննության ընթացքում հաշվի է առնվել նաև Երևանի քաղաքապետարանի կարծիքը:

Ամփոփելով հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք շինարար կապալառուի կողմից կարող են բացառվել կամ մեղմվել գործունեության ընթացքում բնապահպանական մեղմացնող միջոցառումների արդյունավետ իրականացմամբ:

Փորձաքննական պահանջներ

- Կառուցապատումն իրականացնել քաղաքաշինական նորմերին համապատասխան՝ պահպանելով պահանջվող հեռավորությունները:
- Շինարարական աշխատանքների ընթացքում առաջացող տարբեր տեսակի թափոնների և մնացորդային գրունտի հեռացումն ու տեղադրումն անհրաժեշտ է իրականացնել ՀՀ օրենսդրությամբ սահմանված կարգով՝ Երևանի քաղաքապետարանի հետ համաձայնեցված:
- Շինարարության ընթացքում անհրաժեշտ է պահպանել բնապահպանական կառավարման և մոնիթորինգի պլաններում նախատեսված միջոցառումների իրականացումը և ժամանակացույցերը:
- Կանաչապատման աշխատանքներն իրականացնել հայտում ամրագրված կանաչապատման աշխատանքներին և լուծումներին համապատասխան:

ԵԶՐԱՓԱԿԻՉ ՄԱՍ

«ԱՏԼԱՆՏ ԳՐՈՒՊ» ՍՊ ընկերության կողմից ներկայացված Կենտրոն վարչական շրջանի Ռոստոմի փող. 26, 26/1, 26.2, 26/3, 26/4, 32/1, 32/3, 32/4, 32/6, 32/7 և Նար-Դոսի փող. 53/2 հասցեներում բազմաֆունկցիոնալ համալիրի կառուցման շրջակա միջավայրի վրա ազդեցության նախնական գնահատման փուլում է դրական եզրակացություն՝ վերը նշված փորձաքննական պահանջները պարտադրյալ ապահովման պայմանով:

Մասնագետ



Հ. Մկրտչյան